



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ærumnæ D. N. Jesu Christi

Thomé <de Jesus>

Monachii, 1676

Exercitium de siti Christi, déque felle & aceto.

[urn:nbn:de:hbz:466:1-45834](#)

E X E R C I T I U M
De Siti CHRISTI, déque felle & aceto.

I.

Quidnam est hoc, Salvator mi, & unice Curator infirmitatis meae, ut nihil superstes, quod non patiaris pro me? *Solicitudo Domini: noster*
Define monstrare hanc extremam inopiam. Itane refocillatio, *hil omittend's pro salute nostra,*
quam queris, est, implere quod de te praedictum est, fore, ut in siti tua te potent aceto! Amor tuus, ô bone J e s u! hoc tibi revo-
cat in memoriam: ille creat hanc sitim, ille provocat ad mani-
festandam eandem, ut occasionem det crudelibus illis te vexandi
hoc potu inhumano. Ardet semper in te, ô Deus amoris, hic
ignis, & ne sit otiosus, materiam querit, ut accendatur, & faciat
opera sua consueta. O Jesu, bonum & gloria animæ meæ! bene
sciebas, cur id faceres, & quām ego malè tibi soluturus essem,
dum vivo tam negligens amoris & servitii tui, tam incurius bene-
placiti tui in omnibus rebus, tam procul à tua voluntate, tam
pertæsus eorum, quæ me docuisti, ut ea non agam, nisi invitus
& coactus! neque tot monitionibus & stimulis evigilem, neque
omni amore, quem exhibes mihi, cum fervore illa aggrediar, ea-
démque levi de causa omittam: interim tam sedulus ad mea com-
moda, & meos appetitus, ut nunquam obliviscar eorum, quæ cu-
piunt Caro & Mundus. Ego totus in perdendo me ipso, tu to-
tus in me salvando, totus in meo servitio; & ego malo pessum
ire, quām duci tuo amore. O miseriam detestabilem! O dura
vincula hujus hominis terreni! quando, mi Domine & Salvator
animæ meæ, disrumpes hos funes amoris propiorum, ac tui amore
captum me trahes ad te? veniat, veniat, ô mi dulcissime Jesu!
veniat hæc hora beata!

II. O Satietas omnium esurientium! ô perfecta satisfa-
ctio omnium desideriorum animæ meæ! non erat ibi aliud, quo
restingueres tuam sitim, quām acetum, quo lacerentur viscera
tui corporis adeò debilitati hac ultima hora? Videntur Angeli,
qui in deserto esurienti ministraverunt, te non amplius nosse.
quod te hac ultima hora finant in maxima siti aceto potari.
Adeone pauper esse voluisti, ut etiam scypho aquæ careres Domi-

B b b b 3

nus



nus omnium rerum? Siccine Mundus te tractat, Agnelle mitissime, ut neget tibi rem tantillam, quæ nec brutis negatur, cùm à te, quidquid habet boni, acceperit? Benedicant & glorificant te omnes creaturæ tuæ, & omnia opera amoris tui. Jam, Domine mi, se mundus ulciscitur, cujus rès modicè gustabas, cujus delicias horrebas velut amaras; spernebas, quæ ipse maximi facit; condemnabas, quæ probat; laudabas, quæ damnat; neque voluisti ullam tuis pacem esse cum illo. Jam cùm indiges eo, ipse te tractat simili modo: priusquam te cruci affigant, pro confortatione porrigit tibi myrrham cum felle; jam jam exspiraturo, præbet acetum, ut, quem odisti in vita, acerbum experiaris in morte. Tam infensum & crudelem tibi se exhibit, ô superna Dulcedo!

*Christo
cum mundo
nihil com-
muni.*

III. O Divina & æterna Sapientia! nec in nativitate, nec in vita, nec in morte voluisti cum mundo habere pacem, aut quidquam commercii, neque ille tecum, qui te morientem & sibi valedicentem sic tractat. Maledicta igitur cæcitas mea! estne possibile, ut servierim illi, & ei desideria ac tempus vitæ meæ impenderim? Propter ipsum perdidi verum gustum rerum, propter ipsum internæ dulcedines tuæ mihi videbantur fel & acetum, propter ipsum dimisi conversationem tuam, & vanitatem gustando, tuas judicavi amaras. O infinita Misericordia! quām multa sunt, quæ mihi condones? Sis benedictus, quod detineas terram, ne mihi dehiscat! diabolos, ne me abripiant ab oculis tuis! quia tam impudenter comimitavi dulce amaro, vitam morte, veritatem mendaciis, te salutem animæ meæ Mundo pleno miseriis, & inimico tuo,quitam indignè te tractat.

IV. Bene intelligo, Divine Magister, quod ea dāmnes, quæ hactenus amavi extra te: & ostendis mihi tuo tanto impendo, res mundi fel & acetum esse his, qui noverunt tuam dulcedinem. Si tu, mi Jesu, es tota bonitas, tota misericordia, tota dulcedo, quid aliud sapit, ubi tu non es? Parce, Jesu, compatiere debili & corrupto meo stomacho: sana meam animam, ut mundus posthac sit mihi, qualis tibi semper fuit. Per hanc lethalem fitim, per hoc fel & myrrham, per acetum, quod bibisti, rogo te, Deus & Salus mea, ut eximas ex hoc miserabili corde amo-

amorem & gustum mundi, & omnium rerum ejus: sit ille mihi crucifixus, & ego illi. Non sit pax inter nos duos: agnoscam illum esse verum venenum animæ meæ, & ille me tractet ut hostem. Et quia tu, Domine, voluisti sumere hunc haustum, ut amorosa viscera tua, ad quæ non penetrarunt flagella & clavi, cruciarentur illo, ne quidquam esset, quod non affligatur pro me; fac in me hanc mutationem, ut in te solo inveniam gustum, amorem solum, & quidquid tu non es, mihi videatur amarum: quia tu es superna dulcedo, perfecta suavitas, & purus amor hujus animæ.

V. Et quid magnum est, ô bone Jesu! si non habeam gustum, nisi in amore ac servitio tuo, cùm tu inter summos dolores non recusaveris bibere potum tam acerbum, & quasi recenti aqua sitim extinxisses, & abluisses omnem dolorem, & respirasses, gratulabundus dixisti: *Consummatum est: jam possum liberè redire ad Patrem*, siti patiendi expleta. Quare ô Deus meus! non habeo hunc gustum in te, ac rebus tuis? quare non gratius est mihi tempus vitæ, quo patiar aliquid pro te, & in obsequio tuo? Totus in omnibus es amorosus: ubique ostendis verè paterna viscera, studiosa meæ salutis. Adoro te, Domine: laudo hunc amorem & curam, infinitas gratias ago pro gusto, quem habes in benefacendo mihi. Sit hic gustus tibi pro medio, ut ab isto corde tollas omne frigus, & omnem tepiditatem in tuo servitio, faciasque me perfectum imitatorem tuum, & ut sim servus perpetuus tuæ voluntatis & amoris.

Æ R V M N A L.

Christi Agon & Mors.

L.

Vixit Christus Dominus noster in hac peregrinatione, triginta tres annos, ac tres menses, à nativitate usque ad mortem: sed à conceptione & incarnatione na fuit arcta. Tota vita Christi plecta non fuit arcta. triginta quatuor annos: quos omnes à primo instanti traduxit in continuis & magnis ærumnis. Etenim annos infantiae propter Herodis persecutionem transegit in Ægypto extra patriam.